

AKHBAR : KOSMO
MUKA SURAT : 13
RUANGAN : NEGARA

Longgokan sampah, pembangunan pesat antara punca pembiakan nyamuk Aedes **Selangor paling tinggi kes denggi**

Oleh MOHD. YUNUS YAKKUB

SAHAH ALAM - Selangor menjadi negeri paling tinggi merekodkan kes demam denggi dengan sebanyak 39,158 kes membabitkan 59 kematian yang dilaporkan dalam tempoh Januari lalu sehingga semalam.

Timbalan Menteri Kesihatan, Datuk Seri Dr. Hilmi Yahaya (gambar kecil) berkata, Selangor mencatatkan rekod tertinggi wabak denggi berbanding negeri lain di negara ini disebabkan faktor longgokan sampah akibat kutipan sisa buangan yang tidak terurus.

Selain itu, katanya, negeri tersebut juga merupakan kawasan bandar dan terdapat banyak tapak projek pembangunan. "Jadi, ini antara puncanya

mengapa negeri ini merekodkan jumlah tertinggi dalam kes denggi. Semua pihak termasuk pihak berkuasa tempatan (PBT) dan pemilik kediaman perlu menghapuskan tempat pembiakan nyamuk Aedes serta tidak membiarkan air bertakung," katanya pada sidang akhbar selepas merasmikan seminar kali keempat Hospital Kuala Lumpur (HKL) Burn di Pusat Konvensyen Ideal (IDCC) di sini semalam.

Hadir sama Ketua Jabatan Pembedahan Plastik dan Rekonstruktif HKL, Dr. Normala Basiron.

Hilmi berkata demikian bagi mengulas mengenai laporan kes

denggi yang dikeluarkan Kementerian Kesihatan semalam dengan sejumlah 71,892 kes dicatatkan di seluruh negara dan Selangor adalah negeri yang mempunyai kes tertinggi.

Wilayah Persekutuan pula merupakan negeri kedua yang mempunyai kes demam denggi tertinggi iaitu 6,785 kes, diikuti Johor (6,511) dan Perak (4,896).

Hilmi memberitahu, bagaimanapun, jumlah kes demam denggi di Selangor tidak berada pada tahap membimbangkan dan kes tersebut masih menunjukkan trend penurunan sepanjang tempoh sembilan bulan pertama tahun ini.



LONGGOKAN sampah berikutan kutipan sisa buangan yang tidak terurus antara punca pembiakan nyamuk Aedes. - Gambar hiasan

AKHBAR : SINAR HARIAN

MUKA SURAT : 11

RUANGAN : NASIONAL

Kawasan bandar punca Selangor catat kes denggi tertinggi

SHAH ALAM - Selangor merekodkan jumlah kes denggi tertinggi iaitu 39,158 kes dengan 59 kematian dalam tempoh Januari sehingga kelmarin, berbanding negeri lain di seluruh negara.

Timbalan Menteri Kesihatan, Datuk Seri Dr Hilmi Yahaya berkata, bagaimana pun jumlah itu tidak membimbangkan dan menunjukkan trend penurunan sepanjang tempoh sembilan bulan pertama tahun ini.

"Kemungkinan Selangor catat rekod tertinggi wabak denggi disebabkan faktor kutipan sampah tidak terurus kerana longgokan sampah mendorong kepada pembiakan wabak denggi.

"Selain itu, Selangor juga kawasan bandar, sektor pembangunan di sini banyak, begitu juga dengan tapak



Dr Hilmi merasmikan '4th HKL Burn Seminar 2017, semalam.

pembangunan. Jadi, ini antara puncanya mengapa negeri ini rekod jumlah tertinggi denggi," katanya selepas merasmikan Seminar HKL BURN 2017, semalam.

Turut hadir, Ketua Jabatan Pembedahan Plastik

dan Rekonstruktif Hospital Kuala Lumpur (HKL), Dr Normala Basiron.

Dr Hilmi mengulas laporan kes denggi yang dikeluarkan Kementerian Kesihatan semalam, dengan sejumlah 71,892 kes dicatatkan di seluruh negara dan Selangor

adalah negeri yang mempunyai kes tertinggi.

Wilayah Persekutuan pula negeri kedua yang mempunyai kes denggi tertinggi iaitu 6,785 kes, diikuti Johor (6,511) dan Perak (4,896).

Sementara itu, mengulas isu berlainan, Dr Normala berkata, dua pelajar Pusat Tahfiz Darul Quran Ittifaqiyah yang terlibat dalam kebakaran pada 14 September lalu, akan dibenarkan keluar dari HKL dalam tempoh terdekat.

"Keadaan mereka stabil dan beransur pulih sepenuhnya, dengan luka terbakar tinggal satu ke dua peratus sahaja. Kemungkinan mereka dibenar pulang minggu ini atau selewat-lewatnya minggu depan," katanya. - *Bernama*